



二如亭群芳譜



卉譜簡首

驗草

黃帝問於師曠曰欲知歲之苦樂善惡可得聞

乎師曠對曰歲欲豐甘草先生歲欲儉苦草先

生歲欲惡惡草先生歲欲旱旱草先生歲欲潦

潦草先生歲欲疫病草先生歲欲流流草先生

又蒹葭初生剝其小白花嘗之味甘主水饑

主旱

卉之性

葶藶死于盛夏欵冬華于嚴冬草木之向陽生  
者性暖而解寒背陰生者性冷而解熱 橘柚  
凋於北徙石榴鬱於東移鳩食桑椹而醉猫食  
薄荷而暈芎藭以久服而身暴亡黃蘗雜荆芥  
而食必死 草謂之華木謂之榮不榮而實謂  
之秀榮而不實謂之英

卉之似

蛇床似薜蘿薺萑似人參百部似門冬拔楔似  
車薺房葵似狼毒杜蘅似細辛 南方之草木  
謂之南茱草之長如帶薜荔之生似帷唐詩云  
草帶消寒翠雲霞生薜帷

卉之惡

楚詞云薺藂薺施以盈室盈室謂滿朝也北讒佞  
滿朝也薺蒺藜也藂藂藂也薺卷薺草拔心不

死三者皆惡草也

總論

凡花卉蔬果所產地土不同在北者則耐寒在南者則喜暖故種植澆灌彼此殊功開花結實先後亦異高山平地早晚不侔在北者移之南多茂在南者移之北易變如橘生淮南移之北則爲枳菁盛北土移之南則無根龍眼荔枝繁於閩越榛棗瓜蒌盛于燕齊物不能違時人豈



能強物哉善植物者必如椰子所云順其天以致其性而後壽且孳也斯得種植之法矣

題咏

離離原上草一歲一枯榮野火燒不盡春風吹

又生

白樂天

落落江堤簇暖煙雨餘江色遠相連香輪莫碾

青青破留與遊人一醉眠

鄭谷

芳草和煙暖更青閑門要路一時生年來箇點

人間事惟有春風不世情

羅鄴

春草綿綿不可名  
水邊原上亂抽榮  
似嫌車馬繁華處  
繞入城門便不生

劉原父

漸覺東皇意思勻  
陳根初動夜來新  
忽驚平地有輕綠  
已葢六街無舊塵  
莫爲榮枯吟野草  
且憐愁醉扼香輪  
詩人空怨王孫遠  
極目萋萋又

一春

程伯淳

群芳譜跋語

田憶甲寅乙卯間同鄉二三貴人得  
時行志啣憲握爵念之所向山嶽動  
而風雷馳三事六曹而下頤指唯命  
予時方僣負祗省迂愚慙拙不能承  
順意旨用是擯歸林麓八庚歲薈未



敢以片楮達長安客有憐予者造而  
請曰子讀聖賢書終以岩穴老乎長  
安貴人豈竟不可以人理格子能悔  
過輸誠失東隅收桑榆亦未可知河  
清難俟子將誰懟予曰唯々否々人  
各有能有不能舍所能則失已強所

不能未必得人且漢古聖賢亦何嘗

戀々名位也參贊位育老安少懷素

位可行豈異人任子誠觀吾農圃功

成出而郊圻入而苑囿滿同菁莪八

口溫飽是亦一小參贊小安懷也豈

必乞墦登壘乘高策肥廼愉快哉謔

云君子固窮達人知命予之窮予之  
命也吾行吾素何怨何援子休矣順  
時安命深耕疾耨以旦夕從事於農  
圃聊悠遊以卒歲可也客蹶然長嘯  
而去

天啟辛酉花朝好生居士再題於涉


題圖

蓋臣  
初平

編年  
望鶴



二如亭群芳譜貞部目錄



第五冊

卉譜小序

卉譜首簡

驗草

卉之性

卉之似

卉之惡

總論

題咏

卉譜一  
十一種  
附二種

著

芝

菖蒲

吉祥  
附吉利草

商陸

以上靈草

紅花

茜草

藍

擘藍

以上染草

苜蓿

蒺藜

附沙苑蒺藜

以上蔓草

二如亭群芳譜卉部卷之一



濟南 王象晉 蓋臣甫 纂輯

松江 陳繼儒 仲醇甫

虞山 毛鳳苞 子晉甫 全較

寧波 姚元台 子雲甫

濟南

男王與朋  
孫士良曾孫啟邵 詮次

卉譜一

神草也能知吉凶上蔡白龜祠傍生作叢高



五六尺多者五十莖生便條直秋後花生枝  
端紅紫如菊花結實如艾實著滿百莖其下  
神龜守之其上常有青雲覆之易曰聖人幽  
贊於神明而生蓍又曰蓍之德圓而神天子  
蓍長九尺諸侯七尺大夫五尺士三尺傳曰  
天下和平王道得而蓍莖長丈其叢生滿百  
今八十莖以上者已難得但得滿六十莖長  
六尺者卽可用以末大於本者爲主次蒿次